



PRIMA SESSIONE STRASURDINARIA DI U 2019  
1ERE SESSION EXTRAORDINAIRE DE 2019  
31 DI GHJENNAGHJU È 1<sup>ER</sup> DI FERRRAGHJU  
31 JANVIER ET 1ER FEVRIER

2019/E1 /001

## Dumanda posta da u sgiò Jean-Louis DELPOUX à nome di u gruppu « Per l'Avvene »

### **UGETTU : Revisione di a classificazione di e marine di u PADDUC**

O Sgiò presidente,

L'attualità balanina, pè u più calvese, ci rinvia à e difficoltà relative à l'asestu di u territoriu liturale, scontre à u stessu tempu da e cullettività è da l'impresarii chì e so attività si svoglienu in i stabilimenti nantu à e marine, e famose casette di paglia dette in francese « paillotes ».

A problematica hè cumplessa per via di e regulamentazione parechje chì s'aghjustanu : Decretu marine, Spazii assignalati, occupazione di u duminiu publicu marittimu., ecc...

Hè un prublema diversu quant'è e sequenze liturale chì cumponenu u lineare marittimu, è vole risposte adatte nantu à parechji livelli.

Nantu à u livellu Naziunale, cù a revisione di u Decretu marine. St'Assemblea avia digià statuatu quasi à l'unanimità u 31 di marzu in quantu à i periodi d'apertura di issi stabilimenti nantu à marine in mezu urbanu. (deliberazione n<sup>u</sup> 17/081), ma ci sò dinù dispusizione chì sò di a competenza regiunale è chì ponu sbuccà da a nostra propria vuluntà.

Al di là di a problematica di l'AOT nantu à u DPM è a so evuluzione nantu à u periodu pluriannuale pè offre à i sfruttadori di più visibilità, cun l'ubligazione o micca di smuntà e strutture durante u periodu di l'AOT chì hè di a competenza di u Statu ci hè soprattutto – è ghjè quessa a mo dumanda- a quistione delicata è strutturante di a classificazione di e marine stabilita in u PADDUC : naturale, naturale praticate, urbane, ecc...chì si ne parla pocu è chì puru hè determinante.

Di fatti quessa tocca à noi, senza aspettà qualsiasi risposta .

Da fà un quaternu di cariche chjaru, adattu à i sfarenti liturali è soprattutto chì possi esse appiegatu, prima ci vole à rivede issa classificazione di e marine.

Sò socia di a Cummissione di l'attività economiche liturale chì hà datu capu à a quistione di e cassette di paglia, senza puru cunsiderà a necessità di rituccà u PADDUC.

U scopu hè di truvà una via mezana trà u mantinimentu di l'attività economica, u rispettu di u dirittu è a salvezza di u liturale, vulerebbe sapè sè vo site prontu à rivede a classificazione di e marine fatta in u Padduc è in stu casu, chì sarianu l'orientazione per sta revisione ?

Vi ringraziu.